

Julie James AS/MS
Y Gweinidog Newid Hinsawdd
Minister for Climate Change



Llywodraeth Cymru
Welsh Government

Huw Irranca-Davies AS
Cadeirydd y Pwyllgor Deddfwriaeth, Cyfiawnder a'r Cyfansoddiad
Senedd Cymru
Bae Caerdydd
CF99 1SN
seneddDCC@senedd.cymru

6 Chwefror 2022

Annwyl Huw,

Hoffwn ddiolch i chi ac aelodau'r Pwyllgor am ystyried trydydd a phedwerydd Memoranda Cydsyniad Deddfwriaethol ar Fil Tai Cymdeithasol (Rheoleiddio) Llywodraeth y DU.

Rwy'n croesawu'r adroddiad a gyhoeddwyd gan y Pwyllgor ar 13 Ionawr, a'i gasgliad, sef bod y Pwyllgor yn cytuno â'm hasesiad bod y cymalau a'r atodlenni a restrir yn y memoranda at ddiben o fewn cymhwysedd deddfwriaethol y Senedd.

Hoffwn fanteisio ar y cyfle hwn i gywiro gwall yn adroddiad y Pwyllgor. Mae paragraffau 30 a 40 yn nodi fy mod yn anghytuno â barn Llywodraeth y DU nad oes angen cydsyniad y Senedd ar gymalau 13 ac 14 a Rhan 1 o Atodlen 1 ac Atodlen 2. Rhannol gywir yn unig yw hyn. Yn y Memorandwm Cydsyniad Deddfwriaethol atodol (Memorandwm rhif 4), cyfeiriais at lythyr yr Is-ysgrifennydd Gwladol Seneddol dros Gymunedau sy'n nodi nad oes angen cynnig cydsyniad deddfwriaethol ar gyfer cymalau 13 ac 14 a Rhan 1 o Atodlen 1 ac Atodlen 2. Yna, fe wnes gydnabod barn yr Is-ysgrifennydd Gwladol Seneddol (ym mharagraff 27 o femorandwm rhif 4) ond cedwais at fy argymhelliad gwreiddiol, sef bod angen cydsyniad deddfwriaethol ar gyfer cymal 13 a Rhan 1 o Atodlen 1. Felly, rwy'n cytuno nad oes angen cynnig cydsyniad deddfwriaethol ar gyfer cymal 14 ac Atodlen 2, ond rwy'n anghytuno â barn Llywodraeth y DU mewn perthynas â chymal 13 a Rhan 1 o Atodlen 1.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Julie.James@llyw.cymru
Correspondence.Julie.James@gov.Wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Er mwyn bod mor agored â phosibl â'r Pwyllgor, rwyf ar ddeall y bydd Gweinidogion y DU yn cyflwyno gwelliannau pellach i'r Bil yn ystod y cyfnod Adrodd yn Nhŷ'r Cyffredin. Rydym yn parhau i dynnu sylw Llywodraeth y DU at bwysigrwydd trafod yn gynnar a'r angen i gynnwys prosesau'r Senedd wrth ystyried amserlenni eu Biliau.

Yn gywir



Julie James AS/MS
Y Gweinidog Newid Hinsawdd
Minister for Climate Change